

**ADDENDA Ó CONVENIO DE COLABORACIÓN ENTRE O CONCELLO DE VIGO E A DEPUTACIÓN PROVINCIAL DE PONTEVEDRA PARA O PROXECTO DE IMPLANTACIÓN DUNHA VÍA CICLISTA ENTRE TEIS E SAMIL, PARA A SÚA ADECUACIÓN FINANCEIRA.**

Vigo, 24 de maio de 2019

**REUNIDOS**

Dunha parte, Dona María del Carmen Silva Rego, Presidenta da Deputación Provincial de Pontevedra, na representación legal que da mesma lle atribúe o artigo 34.1.b) da Lei 7/1985, de 2 de abril, Reguladora das Bases de Réxime Local.

Doutra, Don Abel Caballero Álvarez, Alcalde-Presidente do Concello de Vigo, na representación legal que desta Administración municipal lle atribúe o artigo 124.4.a) do mesmo texto legal.

Interveñen, en calidade de secretaria do Goberno local do Concello de Vigo, D<sup>a</sup> M<sup>a</sup> Concepción Campos Acuña e, como secretario xeral da Deputación de Pontevedra, D. Carlos Cuadrado Romay, que dan fe do acto que se celebra.

Ámbalas dúas partes declaran e se recoñecen mutuamente a capacidade e a representación necesaria para a sinatura do presente convenio de colaboración, e a estes efectos

**EXPOÑEN**

I.- Con data 2 de xaneiro de 2018 asinouse o convenio de colaboración entre o Concello de Vigo e a Deputación Provincial de Pontevedra para a Implantación dunha vía ciclista entre Teis e Samil.”.

II.- En relación ó financiamento das actuacións obxecto do convenio, nos atopamos coa necesidade de proceder a adecuación financeira de acordo coa realidade da previsión final para a execución do convenio, para o cal se deberá atender o recollido na cláusula segunda "importe e financiamento", a cal en relación as obrigas económicas indica o seguinte:

A Deputación Provincial de Pontevedra comprométese a achegar, para a execución dos investimentos previstos no obxecto deste convenio, a contía de tres millóns cincocentos trinta e sete mil euros (3.537.000,00 €).

O financiamento comprometido pola Deputación Provincial de Pontevedra terá carácter definitiva consonte á táboa que se inxire a continuación:

Investimento	Exercicio 2018	Exercicio 2019	Total
CONVENIO CARRIL BICI TEIS SAMIL.	1.400.000,00 €	2.137.000,00 €	3.537.000,00 €



Pola súa banda, o Concello de Vigo obrígase a achegar a contía máxima de dous millóns trescentos cincuenta e oito mil euros (2.358.000,00 euros), desagregados da forma seguinte:

Investimento	Exercicio 2018	Exercicio 2019	Total
CONVENIO CARRIL BICI TEIS - SAMIL.	0,00 €	2.358.000,00 €	2.358.000,00 €

Esta mesma cláusula terceira indica *"Non obstante, o eventual reaxuste das anualidades da execución dos citados contratos provocará o reaxuste das anualidades do presente convenio, a cuxo efecto o Concello de Vigo, previa proposta da Comisión de Seguimento do convenio, dará audiencia á Deputación Provincial de Pontevedra no expediente que se inicie para o reaxuste da anualidade de calquera dos ditos contratos e da resolución que se dite."*

As propostas de financiamento recollidas no convenio asinado con data de 2 de xaneiro de 2016, recolle a previsión inicial da financiamento comprometido por ambas entidades e de forma específica na cláusula segunda punto 2, indícase que o financiamento comprometido pola Deputación Provincial de Pontevedra polo importe de 3.537.000,00 € terá carácter definitiva e por outro lado, o punto 4 da cláusula segunda no apartado das obrigas do Concello de Vigo, indica que a obriga de financiamento do Concello ata a cantidade máxima de 2.358.000,00 €, polo cal e oportuno proceder ó reaxuste de anualidades indicado no convenio e de acordo coas actuacións executadas e as previsións para a finalización das mesmas.

**III.-** Que o pacto "NOVENO" do mesmo convenio prevé a constitución dunha COMISIÓN DE SEGUIMIENTO E CONTROL, que terá por obxecto o seguimento e coordinación da execución deste convenio e resolución das dúbidas que poidan producirse na súa interpretación, a cal estará integrada por tres representantes de cada unha das Administracións asinantes, un dos cales terá carácter técnico. Entre as competencias de dita comisión de seguimento atopase a de *"emisión informe en relación coa necesidade do reaxuste da anualidade do convenio e en relación con cantas incidencias se produzan na execución dos contratos a que este se refire."*

Dita Comisión de Seguimento reunirase cando o estime convinte o seu responsable, por decisión propia ou a petición de calquera dos seus membros. As súas reunións terán lugar na Casa do Concello de Vigo ou na Deputación de Pontevedra, segundo acorden as partes. Na súa reunión constituínte designarase ó responsable da mesma e ó seu secretario, que levantará acta das súas reunións.

Dita comisión de seguimento constituíuse en representación das partes pola preceptiva resolución da Presidenta da Deputación Provincial de Pontevedra de data 9 de abril de 2019, e, no que ó Concello de Vigo se refire, pola resolución da Alcaldía-Presidencia do Concello de Vigo de data 12 de abril de 2019.

**IV.-** Que, en data 12 de abril de 2019, a "Comisión de Seguimento" do "convenio de colaboración entre o Concello de Vigo e a Deputación Provincial de Pontevedra para a Implantación dunha vía ciclista entre Teis e Samil", en base a proposta realizada polo Concello de Vigo, acorda por unanimidade a seguinte proposta:

**Primeiro:** Recoñecer as actuacións executadas polo Concello de Vigo en relación ó obxecto do "Convenio de colaboración entre o Concello de Vigo e a Deputación Provincial de Pontevedra para a Implantación dunha vía ciclista entre Teis e Samil".

**Segundo:** Aprobar a seguinte proposta de financiamento e anualidades:

En relación a proposta de financiamento da Deputación Provincial de Pontevedra (se mantén a previsión inicial do convenio)

Investimento	Exercicio 2018	Exercicio 2019	Total
CONVENIO CARRIL BICI TEIS - SAMIL	1.400.000,00 €	2.137.000,00 €	3.537.000,00 €

Pola súa banda, as aportacións do Concello de Vigo deben axustarse a seguinte proposta:

Investimento	Exercicio 2018	Exercicio 2019	Total
CONVENIO CARRIL BICI TEIS - SAMIL	16.171,89 €	936.491,00 €	952.662,89 €

De acordo coa proposta de axuste de anualidades o Concello de Vigo comprométese en financiar calquera modificación ou alteración que se produza no ámbito de execución deste obra e que leve implícito un maior gasto en relación ó financiamento indicado.

V.- Por todo o anteriormente exposto, ambas as partes manifestan expresamente o seu propósito de asinar unha addenda co obxecto de proceder á adecuación financeira do "Convenio de colaboración entre o Concello de Vigo e a Deputación Provincial de Pontevedra para a Implantación dunha vía ciclista entre Teis e Samil". conforme ós seguintes

#### PACTOS

**PRIMEIRO.-** A Deputación Provincial de Pontevedra e o Concello de Vigo acordan adecuar o financiamento e anualidades do "Convenio de colaboración entre o Concello de Vigo e a Deputación Provincial de Pontevedra para a Implantación dunha vía ciclista entre Teis e Samil", de acordo coa seguinte proposta:

En relación a proposta de financiamento da Deputación Provincial de Pontevedra (se mantén a previsión inicial do convenio)

Investimento	Exercicio 2018	Exercicio 2019	Total
CONVENIO CARRIL BICI TEIS - SAMIL	1.400.000,00 €	2.137.000,00 €	3.537.000,00 €

Pola súa banda, as aportacións do Concello de Vigo deben axustarse a seguinte proposta:

Investimento	Exercicio 2018	Exercicio 2019	Total
CONVENIO CARRIL BICI TEIS SAMIL	16.171,89 €	936.491,00 €	952.662,89 €

De acordo coa proposta de axuste de anualidades o Concello de Vigo comprométese en financiar calquera modificación ou alteración que se produza no ámbito de execución deste obra e que leve implícito un maior gasto en relación ó financiamento indicado.

**SEGUNDO.-** En todo o demais, o texto do convenio asinado en data 2 de xaneiro de 2018 mantense invariable, suxeitándose as partes ó seu clausulado, agás o recollido no pacto quinto no referido a que as achegas das administracións se reducirán proporcionalmente.

E para que así conste, en proba de conformidade, as partes asinan a presente addenda no lugar e data sinalados no seu encabezamento.

O Alcalde-Presidente do Concello de Vigo



Asdo.: Abel Caballero Álvarez

A Secretaria do Goberno local  
Concello de Vigo

Asdo.: M<sup>a</sup> Concepción Campos Acuña



A Presidenta da Deputación de Pontevedra



Asdo.: María del Carmen Silva Rego

O Secretario Xeral da Deputación de Pontevedra

Asdo.: Carlos Cuadrado Romay

